BENOIST (Arnaud), notaire de Villemur, Villemur-sur-Tarn, minutes 1628-1632, f° 77 (v°) & ss., Archives départementales de la Haute-Garonne, cote 3 E 26981, PH/JCHR/1180580.

Testement escroailhes

Au nom de dieu soit saichent tous presans et advenir que ce jourd huy second du moys d octobre mil six cens vingt huit dans villemeur et mai(s)on de mafre tarine belle mere du testateur bas nomme regnant louys etc a este en personne anthoine escrozailhes charpantier dud(it) villemeur lequel gisant dans ung lict a la salle haulte de()lad(ite) mai(s)on respondant la grand reue sainct michel detenu de certaine maladie corporelle toutesfois par la grace de dieu bien voyant oyant parlant et parfaictement cognoissant considerant n() i avoir rien de plus certain que la mort ni chose plus incertaine que l()heure a()voulleu pourvoir au()salut de()son ame et dispozer des comodites qu()il a()pleu a()dieu lui donner de son plain gre non induit a()ce f(air)e ceduit ni suborne de()personne ainsin qu()a dict a()faict et ordonne son testement noncupatif et derniere voulante comme s() ensuit en premier lieu a() fait le() signe de la croix sur sa personne dizant au nom du pere du filz et du() sainct espriit amen a recomande son ame a() dieu le pere tout puissant le priant qu() il veulhe avoir pitie de()ad(ite) ame et estant ceparee de son corps la recepvoir en son sainct paradis lequel dict corps veult estre encepvely au cimintiere sainct jean hors les meurs dud(it) villemeur et pour ses honeurs

.....

78

funebres s() en remet a() la discretion de() jeanne tornaire sa femme laquelle il veult que soit maistresse seigneuresse et uzufructueresse de() tous et chacungz ses biens tant qu() elle vivra en ce monde item donne et legue a() tous ses parans et alies et au(tr)es qui pourroint rien prethandre sur ses biens la() somme de() cinq soulz payable apres son deces itm declaire led(it) testateur que jean silvestre tonellier son pairastre lui]a est[doit quatre sacz deux razes bled mesure de() la p(rese)nt ville qu() il veult que sad(ite) femme ce face payer comme bon lui samblera declaire aussi led(it) testateur]qu() il qu() il croyt lad(ite) tornaire sa femme estre enceinte auquel cas il veult qu() elle soit tenue nourrir et entretenir le postim ou postume qu() elle porte en ses flancz aux despans de son hereditte en qualitte

de() mere et en tous et chacungz ses au(tr)es biens meubles immeubles noms droictz voix et actions led(it) escrozailhes a faict et institue son her(itier) universel et general scavoir est le() postum ou postume que sad(ite) femme porte comme dict est s() il vient a() port et au cas ne viendroit en naissance faict son heretiere universelle et gen(er)alle et l()a() nommee de()sa propre bouche scavoir est lad(ite) jeanne tornaire sad(ite) femme pour de() sesd(its) biens f(air)e a() ses plaisirs et voulantes comme

.....

ung chacung fait et dispoze de sa cause propre ce dessus a() dict led(it) testateur voulloir estre son dernier et valable testement cassant et annullant toutes au(tr)es disp(ositi)ons precedantes le precedant (lire: le présent) dem(e)urant en son entier lequel il veult estre valable par la meilh(e)ure voye que de droict et mieux pourra valloir si a requis les tesmoingz bas nommes de() lui porter tesmoniage de veritte et a() moy no(tai)re lui en retenir acte ce qu() ay fait ez p(rese)nces du() susd(it) jean salvestre francois salesses bouchier jean ferran fornier fran(çois) brassie geraud deymie jean gardettes et paul astoul travailheurs dud(it) villemeur ne saichans signer ni led(it) testateur et moy no(tai)re requis soubz(sig)ne

Benoist, not(aire)